



Aqqalu C. Jerimiassen

UKA 2022/86

Atassut

19. oktober 2022

Immiaaqqat imeruersaatillu kulsyrimik akullit Kalaallit Nunaanni puujaasat dás-illu angissutsit assigiinngitsunik tuniniarneqarsinnaanngorlugit puui pillugit nalunaarusiaq1 allanngortinnerasigut Naalakkersuisut qulakkeerinninnissaat pillugu Inatsisartunut aalajangiiffigisassaattut siunnersuut. Utertitsisarnermut aaqquissuussami puujaasat dás-illu ilaasinnaassapput. Siunnersuummik akuersereernerup kingorna sukkanerpaamik allannguisoqassaaq – kingusinnerpaamilli 1. januar 2024.

(Inatsisartunut Ilaasortaq Jens-Frederik Nielsen, Demokraatit)

Puiaasaniuppat qillertuusaniuppalluunniit, maanna puukunik utertitsisarnermut inatsippat ataasiinnaavallaarujussuarpoq. Kisermaassinerullu puukunik utertitsisarnikkut, allanik qillertuusaniq puiaasanillu avataanit eqqussukkanik eqqangassaqarnerujussuartaq piuvoq.

Naak, puuini allaqasaraluartut utertinneqarsinnaasutut Qallunaat nunaanni nalunaarsuisimaneq malillugu.

Maanna puiaasaaraarniarnerni kulsyreqartunik, siunertaq ajorisassaannikkaluaqaaq, tassami paasisitsiniaannermi oqariartortoqarneranituut, nunarsuarmi utertittakkanik atuinermi siuttuusutut taaniarneqarpugut. Aap, tamanna ilumorsinnaavoq qujanarluinnarlunilu. Maanna nunatsinni nioqqutissiarineqartut, toqqaanaq utertissinnaasatsitut sungiusimariikkatta utertinneqartarnerat ajunngitsumik ingerlammat ajunngilluinnarpoq.

Illuatungaali qivianngilarpunaasiit; avataaniit eqqunneqartartorpassuit allat qillertuusaneersut puiaasaneersullu qiviarneq ajorpagut, immaqalu ilanngullutik taakkua naatsorsorneqaraluarpata nunani balkaniniittunut naleqqersuussinnaalissangaluarpugut atoqqiisarnikkut inissisimanerluttutut.

Eqqaaviimmi immaq marserluariaraanni, suulluunniit avataaniit imeruersaatit eqqussorneqartut utertinneqarsinnaasutullu meqqilerneqarsimangaluartut eqqarsaatigeqqaarnagit igiinnartarpagut.

Tamanna pinngortitamik paarsilluarnerunngilaq atorluanaaneroqqajaranilu.

Aningaasarsiornikkut pinngortitamillu paarsilluarnerunissamik siunertaqassagaanni, taamaattumik pissusissamisoorpoq, annertuumik liberaliseeriisarsiaqarnerup eqqartorneqaaqqittariaqarnera.

Qularutigineqassanngilarlu una siunnersuut Atassummiit assut isumaqatigingatsigu, sulilu qulaajarneroqqinneqarsinnaanissaa soqutigisinnaallugu.

Taamatut oqaaseqarluta, Atassummiit siunnersuut Inuussutissarsiornermut aatsitassanullu
ataatsimiitsitaliamut innersuupparparput.